



ALKATEARI

Borja Corominas Fisas talde popularraren bozeramaileak, Udalbatzaren Organo Araudiaren 98. artikulua babesean, MOZIO ARRUNT hau aurkezten du, Agitiko kala ingurumenaren aldetik lehengoratzeko izapideak egin daitezen.

JUSTIFIKAZIOA

Culmanor SA enpresak, 1989an, erroboiloa gizentzeko eta txirlak hazteko planta bat eraiki zuen Agitiko kalan, Donostiako udal-mugartean. 21.424 metro koadroko lursail batean eraiki zuen planta, kalaren erdi-erdian.

1991ko apirilaren 8ko ministro-agindua babestu zuen eraikuntza hura. Agindu haren bidez, horretarako behar zen itsaso eta lehorren arteko jabari publikoa okupatzeko emakida eman zitzaion enpresari, bai eta ondoko zortasun-eremuan eraikitzeko baimena ere.

Emakida hori hamar urterako eman zen, eta gehienez beste hamar urtez luzatzeko aukera ere eman zen.

Udalak hirigintza-oniritzia eman zion horri, nahiz eta Igeldoko Auzolan elkarteak eta Eguzki elkarteak alegazioak jarri, eta nahiz eta Plan Orokorraren Bulegoak txosten bat egin, zeinean, alegaziogile gisa, paraje haren berezitasunaz ohartarazten zuen.

Arrain-haztegiak 2006an utzi zion funtzionatzeari, eta 2011ko apirilaren 8an iraungi zen emakida, hartarako eman zen epea amaitu zela eta.



2012ko martxoaren 5ean, URA agentziak txosten bat egin zuen, eta ondorio horretara iritsi zen.

Hala ere, 2014tik aurrera, Culmanor enpresak hainbat kontsulta egin zizkion Uraren Euskal Agentziari, Kosta Zuzendaritzari eta Donostiako Udalari instalazioak berriro irekitzeari begira. Erantzun guztiak positiboak izan ziren, eta horietakoren batek obra jakin batzuk egiteko baldintza jartzen zuen.

Erantzun positibo horien ondorioz, enpresak Donostiako Culmanor SArean instalazioetan birzirkulazio-sistemen bidez itsas amuarraina hazteko eta gizentzeko proiektu bat (hasierako dokumentua) aurkeztu zuen, Ekolurrek sinatua eta 2017ko urtarrilean datatua.

2020an, Industria Sailak jendaurrean jarri zuen dokumentu hori bera, eta geroztik ez dugu beste berririk izan. Instalazioek urteak daramatzate abandonatuta eta aurri-egoeran.

Aldundiko Ingurumeneko eta Obra Hidraulikoetako Departamentuak, Kosta Zerbitzuak proposatuta, Gipuzkoako eremu degradatuen inbentarioan (2020ko abendua) sartu zuen Agitiko kala.

Inbentario horrek "ekintza-plan" bat jasotzen du, horietatik ehun eremu leheneratzeko.

Agitiren kasu zehatzean, 1 eta 3 urte arteko epean esku hartzea planteatzen zuen, eta 25.000 euroko aurrekontua ere adierazten zuen.

Ikusirik urte hauetan guztietan ezer ez dela egin eta arrain-haztegiaren hondakinek «ingurumen- eta paisaia-balio ekologiko oso garrantzitsua duen eta lehengoratzeko ahalmen handia duen leku bat» okupatzen jarraitzen dutela, 2024ko urtarrilaren 23an, EGUZKIZALEAK elkarte ekologistak Kosta Zerbitzuari eskatu zion emakida itzultzeko izapideak has zitzala eta, legearekin bat, erreklama ziezaiola



enpresa titularrari, Culmanor SAri, instalazioak desmuntatzeko eta eremua ingurumen aldetik lehengoratzeko proiektua.

Hain zuzen ere, indarrean dagoen Kostaldeei buruzko Erregelamendu Orokorrean honako hau irakur daiteke:

"147. artikulua. Itsaso eta lehorrearen arteko jabari publikoko obrak eta instalazioak mantentzea edo kentzea.

1. Emakida bat iraungitzen den bakoitzean, Estatuko Administrazio Orokorrak obrei eta instalazioei eustea erabakiko du edo, bestela, interesdunak, bere kontura, haiek desmuntatzea eta jabari publikotik eta babeseko zorgunetik kentzea".

Azkenik, EGUZKIZALEAK elkarte ekologistak txostena jaso zuen.

Honela zioen:

"Kostaldearen Lurralde Zerbitzuak emakida itzultzeko akta egin zuen 2014-07-09an.

Itsaso eta lehorrearen arteko jabari publikoko eremuko okupazioak honako hauek dira: arrain-haztegia hornitzeko itsasoko ura hartzea eta bultzatzea, eta erabilitako itsas urak isurtzea.

"Instalazio horiek ez dira kendu, urte hauetan hainbat proiektu aurkeztu direla arrain-haztegiko jarduera berriz ere martxan jartzeko".

Gainerako instalazioak babeseko zorgunean daude, eta horiek kudeatzea eta antolatzea autonomia-erkidegoei dagokie.

"Horregatik, Estatuko Administrazioak ezin du bere kabuz behartu babeseko zorguneko lurretan dauden instalazioak kentzera, nahiz eta modu batera edo bestera itsaso eta lehorrearen arteko jabari publikoan daudenei lotuta egon".



Uste dugu, beraz, Eusko Jaurlaritzak hartu behar duela Agitiko kala ingurumenaren aldetik lehengoratzeko ekimena, are arrazoi handiagoz, agian, apirilaren 1etik aurrera, orduan sartu baitzen indarrean abenduaren 23ko 1310/2024 Errege Dekretua, itsasbazterra antolatzearen eta kudeatzearen arloko Estatuko Administrazioaren eginkizunak eta zerbitzuak Euskal Autonomia Erkidegoari eskualdatzekoa.

Horregatik, hau da talde honek aurkezten duen

MOZIO ARRUNTA:

- 1.- Donostiako Udalaren Osoko Bilkurak Eusko Jaurlaritzari eskatzen dio lehenbailehen has ditzala Agitiko kala ingurumenaren aldetik lehengoratzeko izapideak.
- 2.- Donostiako Udalaren Osoko Bilkurak Eusko Jaurlaritzari eskatzen dio legez eska dakizkikeen lehengoratzeko neurriak bete ditzala erreklamatzeko emakidadunari.

Donostia, 2025eko apirilaren 2a

Borja Corominas

Udaleko Talde Popularreko bozeramailea